



Kalaallit Nunaanni timersornermi ileqqorissaarnissamut atatillugu pingaartinneqartut

Qulequttat

Ileqqorissaarnissamik pingartitatut saqqummiunneqartut makkuupput::

Kapitel 1: Timersortartunut ileqqorissaarnissamut atatillugu toqqammavissat

Kapitel 2: Sungiusaasunut ileqqorissaarnissamut atatillugu toqqammavissat

Kapitel 3: Dommerinut toqqakkatullu peqataatitaasunut
ileqqorissaarnissaannut atatillugu toqqammavissat

Kapitel 4: Leder-inut timersornermillu sullissisoqarfinni sulisunut ileqqorissaar-
nissamut atatillugu toqqammavissat

Kapitel 5: Isiginnaartunut tapersersuisunullu ileqqorissaarnissami toqqamma-
vissat

Kapitel 6: Meeqqanut inuusuttuaqqanullu 15-it tikillugit ukioqartunut
ileqqorissaarnermi toqqammavissat

Kapitali 1

Timersortut ileqqorinnissamut toqqammavissaat

Timersortartut amerlanerit timersornerup iluani naleqartut ujartortarpaat. Timersornikkut misigisat nuannersut pissarsiarineqartarput: nuannaarneq, ataatsimoorneq, unammiugassat, anguniagassat ineriartornissarlu. Taaneqartut aqputigalugit timersornerup pinnguarnermut qanittuunera taassumalu ataani nalit itinerusut takuneqarsinnaalersarput. Timersornikkummi aallussisut toqqaannartumik toqqaannartuunngitsumilluunniit kinaassusertik misiligarsinnaasarpaat, ujarlugu sunngorsinnaaneq, soorluli aamma inoqatinut akuunneq misilittarneqarsinnaasartoq. Timersornikkummi ingerlatsisup kinaassutsini immikkuullarissutsinilu misissorsinnavai. Taamallu ililluni timersorneq



tassaasinnaalersarpoq inuttut alliertornissamut ineriartornissamullu aallaavissaq.

Kisianni aamma timersornermi ittarput akersuunnerit aporaannerillu.

Aporaannermillu imaasut aserorterutaasunik kinguneqartitsisinnaasarput. Unammeqatigiinnermi akunnermi isigineqarnermik iluanaaruteqarnermillu aporaaffeqalersitsisinnaasarpoq. Unaminernimi peqataasut ilaat tamaviaartarput ajorsarnissaq qunugalugu allat misigissuseerullutik suut tamassa atorlugit ajugaanialersartut. Taamaammat timersorneq tassaasinnaalersarpoq inunnik naleerussaalluni nakkartitsiniarluniluunniit parruffik.

Ataani oqariartuutit periusissanut isiginnittaatsinullu sammipput timersortartunut nalinik pitsaasunik ujarlertuusunut tulluussagaasut.

1. Sapinngisat tamaat atorlugu peqataasarit!
2. Ajugaaguit ajorsaruilluunniit tamatigut ataqqinarpalaartumik pissuseqartarit!
3. Timersornermi maleruagassiat malikkit aammalu fairplay-imut tunngasortai illit timersuutinnut atuuttut!
4. Ajoqusinnginnissat salliutittuaruk navialinaveersaartuarlutit!
5. Ataqqisakkit dommerit toqqakkatullu peqataatitaasut aaliangiussaait!
6. Ataqqikkit peqataasut allat piginnaaneri, takutissinnaassaait pikkorissusiilu – suaassutsikkut, ammip qalipaataatigut, sumiuussutsikkut, politikikkut, upperisaqarnikkullu kiisalu arnaqatinut anguteqatinullu sammisuusinnaanerat apeqqutaatinnagit.
7. Oqaatsitigut nikassuisaqinak appiussuisarnallu timersornermi peqataasunut kikkunnulluunniit!
8. Ammasumik unneqqarissumillu suleqataasarit sungiusaasunnut allanullu tapersersuisorisannut!
9. Timersornikkut angusatigullu ineriartornissat nammineq akisussaaffigiuk!
10. Unaminerni avataanilumi torersuuneq qaffasissumiitittaruk! Eqqaamasarummi nuannaartorinnittoqarnerit!
11. Akuersaanngisaannakkit qunusaarisarnerit nukersorniarnarillu!
12. Sungiusaasunnut misigissutsikkut qaninniannngisaannarit!
13. Inerteqqutaasut atorlugit ingerlatsiniartunut ilanngutinngisaannarit!
14. Eqquiniarnernut atatillugu ilumi immikkut ilisimasatit atornerlunggisaannakkit!

Kapitali 2



Sungiusaasut ileqqorissaarnissamut toqqammavis-saat

Sungiusaasut ujartarpaat unammisartut hold-illu angusatigut angusinnaasaat qaffasinnerpaat tamannalu angujumallugu sungiusaanerit aaqqissuunneqartarput. Sungiusaalluuartuuserli aamma allanik siunnerfeqartarpoq.

Unammisarfiuummi inutut alliatornissamut ineriartornissamullu sunniuteqarsinnaassusia nalunngilaa anguniagaralugulu sungiusarnerup unammisarnerillu ilisarnaatigissagaat nuannaarneq, ataatsimuussutsimillu misigisimaneq.

Sungiusaasup pikkorissup sungiusakkani ilivitsutut sungiusartarpai timikkut, tarnikkullu, allanut akuunikkut aammalu piumassutsikkut. Sungiusaasoq pikkorissoq tassaavoq inummik ineriartortitsisinnaasoq. Timersornermimmi aallussisut sungiusaasullu tamarmik pikkoriffeqarput. Taaneqartut akunneranni ippoq inuit marluk akornanni naligiissutut misigisimaneq, taakku ineriartoqatigiinnerannik pilersitsisusoq.

Sungiusaasoq inissisimanermigut qitiusuuvoq sungiusagaasumut sungiusagaasunullu isiginnittaatsikkut pingaartututullu isigisanut ilusiliisusoq. Tassanilu ippoq pissaaneqarneq annertoq. Sungiusaanerluttup pissaaneq taamatut ittoq sungiusagaasut kissaataat akimorlugit atornerluttarpai. Misigissuseqarani sungiusaasoq sungiusakkani atorlugit imminuinnaq iluaquserniartarpoq taamallu immineq anguniakkani kisiisa pigamigit sungiusakkani naleqanngitsutut piniartarlugit.

Ataani pingaartut allanneqartut tassaapput sungiusaalluurtup isiginnittaaserisassai sulinermilu tunngaviginiagassai:

1. Timersortartut tamaasa ataasiakkaarlugit ataqqikkut taakkulu piumasarisaat aallaavigalugit pillugit!
2. Qulakkeeruk sungiusaanerit unamminerillu timersortartup ukuanut, misilittagaanut, piginnaaneqassusianut inerisimaneranullu naleqqussagaasumik ingerlatissagakkit!
3. Timersornermi maleruagassat naapertuilluarnissamullu ileqquusut timersuutaasumi naapertuuttumik malikkut!,
4. Dommerinit toqqakkatullu peqataatitaasunit aaliangiinerit ataqqisakkut!
5. Aaliangiiniarnerni timersortuusut akuliutsittakkit, tamakku taakkununga attuisussaagaangata ataasiakkaarlugillu ilinniartikkut namminneq ileqqulersornerminnut timersornikkullu ineriartornis-saminnut akisussaasuummata!
6. Timersortartunut naapertuilluurtuugit, mianerinnillutit aammalu ilmoortuullutit!
7. Siunertalimmik uparuartuisarit ajortuinnaat pisarnagit!
8. Salliuuttuaruk timersortartut peqqissuunissaat pisariqanngitsumillu ajutoorsinnaanerit pinngitsoortinniagaralugu!



9. Timersortartut napparsimasut ajoqusersimasullu soqutiginnillutit pakkutaralugit pisakkit!
10. Timersortartumut iluaqutaanissaa tunngavigalugu sungiusaasunik allanik immikkullu ilisimasaqartunik suleqateqartarit!
11. Ataqqiuk timersortup sungiusaasunit allanit siunnersorneqarsinnaanermut ilitsersorneqarsinnaanermullu pisinnaatitaanera!
12. Akuerinngisaannakkit qunusaarinerit persuttaaniarnerillu!
13. Pinngitsoortiguk timersortartorisamik misigissutsikkut attaveqalersinnaaneq!
14. Inuttut torersumik pissuseqarnissaq qaffasissumiitiguk aamma unamminerit avataanni! Maluginiaruk nuannaartorinnitseqarnerit tamatumalu pingaaruteqartuunera!
15. Akuerisaanngitsumik niukittorsaatit assigisaallu akiorniarlugit suliniarnermi toqqaannartumik akuliusimallutillu peqataagit! Aamma taamatut peqataagit timersornermut atatillugu imigassamik tupamillu atuinermut sammisuni!
16. Timersornermik ingerlatsisut kikkulluunniit assigiimmik naligiittut pisakkit – apeqqutaatinnagit suaassuseq, ammip qalipaataa, sumiuussuseq, politikikkut upperisaqarnikkullu qanoq inissisimanerit kiisalu arnaqatigoortuunerit anguteqatigoortuunerilluunniit!
17. Sungiusaasutut inissisimanerit atunngisaannaruk timersornermik ingerlatsisut imal. timersornerup soqutigisai soqutiginagit nammineq soqutigisannik salliutitsiniarnermut!
18. Eqquiniarnerni imminut unammisassanulluunniit tunngasuni eqquiniarlutit pinngisaannarit!
19. Eqquiniarnernut atatillugu immikkut ilumi ilisimasatit atonerlunngisaannakkit!

Kapitali 3

Dommerit toqqakkatullu peqataatitaasut ileqqurinis- samut toqqammavissaat

Dommerit suliassaanni pingaarnarpaapput unamminerit naapertuilluartumik torersumillu ingerlanneqarnissaat, timersornerup siunnerfittut pingaartitai malillugit. Unamminerni tamani dommerip sinaakkusiutissavai ingerlanissat akuerineqarsinnaaffii akuerineqarsinnaanngiffiilu aammalu aalajaatsumik ingerlatissallugit naapertuilluartumik torersumillu ingerlatsinissat. Unamminernilu tamarluinnarni dommerip eqqumaffigissavai timersortuusut isiginnittaasii aammalu pingaartitaat: malerugassanik unioqqutitsisoqarnerseqq piaaraluni piaarinaniluunniit, timersoqataasut akornanni unamminerup anersaavanik sequtseriniartoqarnerseqq imaluunniit taamaattoqannginnerseqq, pisut piaarinikkut ajoqusiinertaqarnerseqq imaluunniit piaarinani pinersut. Dommerit timersornerup iluani ineriartornerit toqqaannartumik toqqaannartuunngitsumilluunniit ilusilersortarpaat.



Dommeri pitsaasoq illersugaqartuussanngilaq, sunnernerneqarsinnaasuu-
sanani, naapertuilluartsuussalluni, aaliangersimasuussalluni (erfattuunani)
pipaluttuunanilu. Dommerit timersornermillu aallussisut pitsaasut
nuannaartunartuupput soorluli aamma ilisimasat piginnaaneqarfiilu
taamatuttaaq nuannaartorineqartartut.. Timersornerit dommerit ingerlatsinerat
tunngavigalugit nalilerneqartartuupput. Dommerit sulineq ataqqinassutsit
tiguneqartariaqarpoq.

Kisianni aamma dommerip pissaanermik tigumminittuunera aserorterinertut
ittumik atorineqarsinnaavoq. Dommeri toriitsoq, arlaasunik illersuisoq
aammalu akilerneqarluni sunnerneqarsinnaasoq timersornerup
minguitsuunissamik pingaartitsineranik toqqamik ulorianartorsiortitsissaaq.
Qaffasissumimmi timersornerup iluani unamineq qummut isigineqarnermut
aningaasaqarniarnikkullu annertuumik kinguneqartitsisinnaavoq.

Dommeri sanngiitsoq namminerpiaq soqutigisani aallaavigalugit
sunnerneqarsinnaavoq taamallu eqqunngitsunik tunngaveqartunik
aaliangiisarnikkut unammineramik aseruilluinnarsinnaalluni.

Ataani periutsit taakkartorneqartut dommerip pitsaasutut
nalilerneqarsinnaanissaanut tunngaviupput:

1. Illersugaqartassanngilatit!
2. Anguniartuassavatit timersornermi takutitsinissatut pingaartitaasut!
3. Timersortuusup isumannaatsumik ajunngitsumillu ingerlanissaa
atugaqarnissaalu sunit tamanit salliutissavatit!
4. Ataqqinnittumik pikkit timersortut, sungiusaasut tapersersortaasullu
ammaffiguarullu aaliangiinerpit nassuiaasersorsinnaanissaa.
5. Akisussaaffigisattut tigusakkit aaliangiinerit pisut!
6. Nutaanik ilisimasassarsioruarit aammalu timersornerup
ineriartorneranut tunngasut iluini malinnaajuarit!
7. Timersornermik ingerlataqartut tungaannut nikassuinerit
appiussuinerillu atunngisaannakkit!
8. Timersornermik ingerlataqartut tamaasa assigiimmik pisakkit
apeqqutaatinnagit; suaassuseq, ammip qalipaataa, sumiuussuseq,
politikkikkut upperisarsiornikkullu inissisimaneq aammalu
anguteqatinoortuusinnaaneq arnaqatinoortuusinnaanerluunniit!
9. Dommerit inissisimaneq atunngisaannaruk nammineq soqutigisavit
siuarsarniarnerinut pilliutigalugit timersortartut timersornerulluunniit
soqutigisaat!
10. Eqquniarnerni imminut imal.unammisamik toqqaanngisaannarit!
11. Eqquniaanerme ilumi ilisimasat atornerlungisaannakkit!

Kapitali 4



Leder-inut timersornermullu atatillugu suliniaqatigiiffinni atorfilinnut ileqqorinnissamut toqqammavissat

Timersornermik leder-itut atorfillitullu inissisimallutik suliaqartut ingerlanneqar-tussanut, peqatigiiffinnut kattuffimmullu atatillugu aaqqissuinerni ingerlatsinernilu akisussaaqataassutsimik tiguisarput taamallu pingaaruteqarluinnartumik tunngaviliisarlutik timersornikkut pisussat piviusunngortinneqarnissaannut.

Leder-it atorfillillu pitsaasut pilersaarusiortarpaat ammasumik, naapertuilluartumik aningaasatigullu akisussaassuseqartumik timersortoqarnissaa erseqqissunik pitsaasunillu maleruagassartaqartunik. Leder-it atorfillillu pitsaasut akisussaassuseqarneq takutittarpaat peqataaffigiuminartumik timersornermik pilersitsinissaq anguniartarlugu kikkut tamat oqartussaaqataanissaat aallaavigalugu taamallu ataatsimoornissap inuiaqatigiillu kiffartuunneqarnissaat qitiutittarlugu.

Leder-it atorfillillu aamma inissisimapput, atornerluisinnaallutik. Ilaatigummi nammineq soqutigisat ataatsimoorluni soqutigisanit sassasinnerulersinnaasarpog. Leder-it atorfillillu pitsaanngitsut inissisimavitik atornerluttarpaat ingerlatseqatigiiffik timersornerlu aqutsivigisassartik tunulliullugu akimorlugulu namminneq soqutigisaminnik aallaaveqalernermikkut.

Ataani toqqammavissiatut allanneqartut tikkuussippot periusissanut isiginnittaatsinullu leder-init atorfilinnillu pitsaasunit ingerlatsinermi ilisarnaattissatut.

1. Soqutigisaqatigiiffittut ingerlatseqatigiiffiusup tutsuiginassusia, amma-nera aammalu kikkut tamat oqartussaaqataanerit tunngavigalugu ingerlatsinera innarlitsaalioruk.
2. Ingerlatseqatigiiffiup toqqammavissiaminut naapertuuttumik ingerlatsinissaa akisussaaffittut tigujuk!
3. Timersornermik ingerlataqartut assigiimmik pisakkit apeqqutaatinnagit suaassuseq, ammip qalipaataa, sumiuussuseq, politik-ikkut upperisaqarnikkullu qanoq inissisimaneq kiisalu arnaqatinoortuusinaaneq anguteqatinoortuusinnaanerluunniit!
4. Ilaasortaasut aaliangiinerni peqataatittakkit!
5. Nammineq pissusilersornikkut minguitsuunissat qaffasissumiitiguk timersornerup iluani aammalu avataaniitillutit!
6. Aaqqiagiinngissutit sukkasuumik naapertuilluartumillu aaqqittakkit ingerlatseqatigiiffiusup maleruagassai suleriaasiilu malillugit!
7. Malugilluarniarlugulu pimoorullugu tigummiuk inatsisit tunngavigalugit akisussaassuteqartuunerit!
8. Timersorneq aquguk aningaasaqarnikkut aqutsilluarnermik tunngaveqartumik!



9. Leder-itut atorfilittulluunniit Inissisimanerit atornerlunggisaannaruk nammineq soqutigisavit salliutinnissaannut ingerlatseqatigiiffiup soqutigisai tunulliullugit !
10. Eqquiniarnerni ilinnik unammissassannilluunniit toqqaanggisaannarit!
11. Suliffivit iluani iliusimasatit eqquiniarnerni atornerlunggisaannakkitt!

Kapitali 5

Isiginnaartut tapersersuisuusullu ileqqorinnissamut toqqammavissaat

Isiginnaartut pitsaasut nalunggilaat timersornermi siunnerfiit nalilittullu isigineqartut angorusutat suussut taakkulu angusat pitsaasut angunissaannik tapersersuisarput, apeqqutaatinnagu kikkut angusisuussanersut. Tapersersuilluartut timersortut holdillu illersukkatik kinaassuseqarfigalugit tulluusimarutigalugillu pisarpaat unammineqartullu ataqqinnittumik pissusilersorfigisarlugit.

Kisiannili isiginnaartut tapersersuisullu ileqqorissumik pissusilersortuaannartanngillat. Isiginnaartut akisussaassuseqanngitsumik ileqqulullutillu pissusilersortut "angussuanngorsimaarlutik" kamassalittut isorinnissinnaasuseqaratillu illuinnaasiorlutik illersuilersarput, pisut qanoq ingerlaneri timersornerullu siunertai pivallaarnagit. Isiginnaartuunerli tapersersuisuunerlu aamma akisussaassuseqarnissamik piunasaqaatitaqarputt.

Ataani oqariartuutini takutikkumaneqarput isiginnaartut tapersersuisullu pitsaasut qanoq pissusilersortassasut isiginnittaaseqartassasullu.

1. Naapertuilluartumik takutitsilluartumillu pinerit nuannaralugit unammisunut tamanut takutittakkit!
2. Unammisoq unammisulluunniit illersukkatit ingerlanerliorpata ingerlalluarpataluunniit assigiimmik tapersersortakkit!
3. Tapersersuinerit pitsaasumik qiimmaallannartumillu takutittaruk.!
4. Holdi tapersersukkat unammissallu tamaasa ataqqinnippaluttumik pissusilersorfigisakkit!
5. Dommerit toqqakkatullu peqataatitaasut aaliangiineri ataqqisakkit!
6. Timesortunut, dommerinut, sungiusaasunut aammalu isiginnaaqatinnut nikassuillutilluunniit avoqqaarinnillutit oqaluttaqinak!
7. Qunusaarineq peqqarnissaarniarnerlu akuersaanngisaannakkitt
8. Timersornermi peqataasut tamaasa naligiissumik pisakkit apeqqutaatinnagit suaassuseq, ammip qalipaataa, sumiuussuseq, politikkikkut upperisakkullu qanoq inissisimaneq aammalu arnaqatinoortuusinnaaneq anguteqatinoortuusinnaanerluunniit.



Kapitali 6

Meeqqanut inuusuttuaqqanullu 15-it inorlugit ukiulinnut timersorlutik unammisunut ileqqorinnis-samut toqqammavissiat

Meeqqat inuusuttuaqqallu timersorneri pitsassut ilisarnaatigisarpaat peqataasut toqqissisimasarnerat.

Amerlasuut peqataajumasarnerat, peqataasut timimikkut, tarnimikkut allanillu peqateqarsinnaassutsimikkut ineriartortarnerat, ilinniartitsinerit ukioqqortussutsinut, inerisimassutsimut pisariqartitsinermullu naleqqussagaaneri, peqataasut akunnattuungaffeerukkiartortarnerat ataasiakkaarlutillu siunnersorneqarnermikkut qiimmassarneqartarnermikkullu siuariartulersarnerat aammalu sungiusarnerit pinnguarnerpalaartuusarnerat, ilisarnaataapput.

Meeqqat inuusuttullu timersornermik sammisaqartinneqarneranni pingaarnertut siunnerfiuvoq peqataasut siammasissumik ineriartornissamut periarfissinnissaat saperunnaakkanillu peqarnerulernissaat allinerulaarunik inuusuttuarangorlutik sulii pikkorissarfigeqqiffigisinnaasaminnik. Taamak iliornikkut tunngavilerneqarsinnaavoq siunissami ataavartumik timersornermik assoroortarnermillu soqutiginnilerluni timersorusulernerq. Salliutinneqanngi-saannassaaq angusaqarluarnissaq.

Kisianni tamatigut meeqqat inuusuttullu timersortinneqarneranni anguniakkatut siunertat taaneqartut piviusunngortinneqarnerq ajorput. Inersimasut angujumasaqarluutillu siunnerfilersuisinnaasarput timersornermik ingerlatsisuusup nammineq piumasarisai aallaaviginagit. Siusissukkut illuinnaasiarluni sammivinnut aaliangersimasunut pikkorissaanerit, unamminissamut sammeqisumik sungiusaanerit sukasaanerillu ingerlatsisup ineriartorneranut ajoqusiisinnaapput timikkut, tarnikkut, allanut attaveqarnikkut aammalu ileqqulersornikkut. Meeqqat inuusuttullu timersortinnerini pisariaqartinneqarput sungiusaasut piginnaaneqarluartut aammalu pingaartitaqarnermik tunngaveqarluartut.

Tulliuttuni toqqammavissiaasut sammitinneqarput periusissatut isiginnittaasissatullu, pikkorillutik meeqqanik inuusuttunillu timersornerup iluani sungiusaarusuttunut.

I. Aallutaqartunut ileqqorissaarnissaannut toqqammavissat

1. Sapinngisat tamaat pitsaanerpaamik periuseqarniartarit!
2. Timersornermi maleruagassat malittakkit aammalu timersuutivit iluani torersumik pinissamut (fair play) sammisut eqqarsaatigalugit!
3. Illit nammineq kajumissutsit timersornermi aqutsisoriuk, aallaaviginagit angajoqqaavit sungiusaasuilluunniit ilorrisimaartinnissaat!



4. Peqataasunut tamanut ataqqinnittumik pissuseqartarit, unammeqatigi-sannut unammisassannullu!
5. Dommerit toqqakkatulluunniit peqataatitat akiorniartassanngilatit!
6. Sungiusaasut leder-illu ilinnut akisussaasut ataqqinnittumik, ammasumik unneqqarissumillu pisakkit!
7. Unammeqatitit, unammisatit, dommerit, alallu toqqakkatut peqataatitaasut, sungiusaasut lederillu nikassarlugit nakkarsarlugillu nipituuliorfigisassanngilatit!
8. Allanut pissusilersortarit illit nammineq qanoq pissusilersorfigineqar-nissamik kissaatigisannut naapertuuttumik!

II. Sungiusaasut ileqqorinnissaannut toqqammavissiat

1. Sungiusakkannut assersuutissaalluarit!
2. Sungiusakkavit nammineq piginnaanerminut naleqquttumik ineriartornissaa kaammattugaralugulu periarfissiguk!
3. Sungiusarnek unamminerlu piareersartakkit, peqataasussat ataasiakkaat ukioqqortussusiinut ineriartornerminnilu killiffiinut naleqqussagaasumik!
4. Timersornermut atatillugu suleriaatsit maleruagassallu malillugillu ataqqikkit sungiusakkatillu taamatut aamma pissuseqassasut kaammattorlugit!
5. Sungiusakkatit dommerinut, toqqakkatut peqataatitanut, unammisassannullu ataqqinnittumik pissusilersornissaannik ilinniartikkit!
6. Siunertalimmik uparuartuisarit, uammititavit ataasiakkaat ukioqqortussusiannut pisariaqartitsinerannullu naapertuuttumik!
7. Appiussuiinnarluni uparuartuineq pinngitsoortittaruk!
8. Sapinngisamik aallaaveqartumik takutitsineq angusamit salliuuttaruk!
9. Aallutsisut ataasiakkaatut imminnut ataqqeqatigiinnissaat kaammattuutigisaruk – apeqqutaatinnagit, qanoq inuttut inissisimaneq, timersornermut piginnaaneqassuseq aammalu qanoq periarfissaqartitaaneq!
10. Timersortartorpalaanngitsumik ileqqoqarnek akueriumanngittaruk aammalu nikassuilluni nipituuliorartnerit oqaaseqartarnerillu eqqarsaatigalugit!
11. Inuusuttunik aallutsisunik sungiusaanermit ineriartornermullu tunngasunik ilisimasatitsisarnerit ineriartornermut malinnaatittuakkit!
12. Mianeriuaruk sungiusaasutut pissaaneqarnerit aammalu misigissutsimik aallaaveqartumik sungiusakkannut qaninniarsinnaanerit suulluunniit pinngitsoortikkit!
13. Peqataasut tamaasa assigiimmik pissusilersorfigisakkit apeqqutaatinnagit suaassuseq, ammip qalipaataa, sumiuussuseq aammalu upperisaqarnikkut qanoq inissisimaneq!
14. Aallutsisut napparsimasut ajoqusersimasulluunniit soqutiginnittumik pakkutaralugit pisakkit!



III. Ileqqorinnissamut toqqammavissiat ingerlatseqatigiiffinni leder-inut atorfeqartunullu tunngatinneqartut

1. Sapinngisamik aallutsisut tamaasa assigiimmik peqataanissamut periarfissittakkit apeqqutaatinnagit inuttut tunuliaqutaat, timersornermut piginnaaneqassusiat aammalu periarfissaqassusiat!
2. Pilersarusiornerni aaliangiussinissanilu angajoqqaat peqataasussallu ilaatittakkat pisussat timersuutitut peqataaffigisassaannut attuumassuteqaraangata!
3. Peqataasusaaq peqataasarpoq nammineq kajungerinninnini aallavigalugu akissarsiarisinnaasat pinnagit. Taamaattumik akissarsisitsisarneq ingasaannaveersaaruk!
4. Ileqqorissaarnikkut siulliujuarit aamma tusaruminartumik tapersersuerpalaartumillu oqaatsit atornerisigut!
5. Timersortartorpalaanngitsumik pissusilersornerit akuersaarnagit ajattukkit aamma nikassuinerit nakkarsaaniarlunilu nipituuliorlunilu oqaaseqarnerit eqqarsaatigalugit!
6. Ingerlatseqatigiiffiit ammanissamik kikkullu tamat oqartussaaqataatillugit ingerlatsinissamik oqariartuutaat peqataasussanit ataqqineqartussanngorlugit ilinniutigitikkit.!
7. Sungiusagaasut tungaannut misigissutsimik aallaaveqartumik qaninniagaqanngisaannarit!
8. Aallutaqartut tamaasa assigiimmik pissusilersorfigisakkit apeqqutaatinnagit suaassuseq, ammip qalipaataa, sumiuussuseq aammalu upperisaqarnikkut inissisimaneq!

IV. Angajoqqaat pissuserissaarnissaannut toqqammavissiasut

1. Eqqaamajuk meerasiat imminut nuannaartikkumalluni peqataammat, illit pinnak!
2. Meeqqat peqataaqqullugu kaammattoruk, pinngitsaalinagu!
3. Meeqqat kaammattoruk uammisarluuniluunniit timersoqqullugu malittarisassat malillugit aammalu aporfiusinnaasunik aaqqiiniartaqqullugu akeqqersimaarneq persuttaaniarnerlu atornagit!
4. Meeqqat inuusuttullu kikkugaluarpataluunniit sungiusarneranni unammisinnerinilu tunuliaqutserlugillu qiimmassartarsigit – illit nammineq meeraqrisat pinnagu!
5. Ingerlalluarnermi ingerlanerliornermilu avoqqaarinninngitsumik pissusilersortarit!
6. Meeqqat illaruaatissiarinngisaannakkit kukkugaluaaraangatalu nilliaffiginngisaannarlugit!
7. Eqqaamajuk meeqqat assersuusiuunneqarnikkut ilikkagaqarluarnerpaasarmata. Unammilluarnerit angusaqarluarnerillu meeqqanut inuusuttunullu pingaartittuaannakkit!
8. Dommerit toqqakkatullu peqataatitaasut aaliangiussaataaqquuaannakkit taamallu aamma meeqqat inuusuttullu pissuseqarnissaannik kissaateqarfisarlugit!
9. Nammineq kajumissutsiminnik sungiusaasartut, leder-iusartut toqqakkatullu peqataatitaasartut pingaartikkat. Taakkoqanngippammi



meerarisat unamminerni suniluunniit peqataasinnaasimassanngik-
kaluarmat!

10. Ataqquakkit meeqqat piginnaatitaaffii aammalu kinaassuseqar-
palaarnerat – apeqqutaatinnagit suiassuseq, ammip qalipaatai,
sumiuussuseq aammalu upperisatigut inissisimanagerat!